

ՀԱՅ-ՌՈՒՍԱԿԱՆ ՀԱՐԱԲԵՐՈՒԹՅՈՒՆՆԵՐԸ ԽՍՀՄ-Ի ՓԼՈՒԶՄԱՆ ԵՎ ԱՊՅ-Ի ԿԱԶՄԱՎՈՐՄԱՆ ՆԱԽՕՐԵԻՆ

1991թ. օգոստոսյան խռովության տապալումից հետո ԽՍՀՄ-ի փլուզման գործընթացը մտավ եզրափակիչ փուլ: Իշխանության միութենական մարմինները կաթվածահար էին եղել և կորցնում էին իրենց ազդեցությունը երկրում: Աճում էր Ռուսաստանի ղեկավարության ազդեցությունը, որի դիրքորոշմամբ էր մեծապես պայմանավորված խռովարարների պարտությունը: Միության կազմի մեջ մտնող սուբյեկտների անկախացման գործընթացը նոր քափ ստացավ, նրանց միջև անմիջական, հորիզոնական կապեր էին հաստատվում: Խորհրդային Միության տարածքում ծագած ազգամիջյան հակամարտություններն ավելի սաստկացան: Նրանցից ամենաերկարատևն ու ամենաբարդը ղարաբաղյան հակամարտությունն էր: Այս գործընթացներն օրինաչափ էին և հիշեցնում էին Ռուսական կայսրության փլուզման շրջանում դարասկզբին տեղի ունեցած իրադարձությունները:

Օգոստոսի 19-21-ի խռովության ծախսողմանը հաջորդեց "անկախությունների շքերթը". անկախություն էին հռչակում նույնիսկ այն հանրապետությունները, որոնք մինչ այդ մասնակցում էին նովո-օգարյոյյան գործընթացին, որի առջև միութենական նոր պայմանագիր մշակելու խնդիր էր դրված: Այդ հանրապետությունների շարքում էր նաև Ադրբեջանը, որի Գերագույն խորհրդի նստաշրջանը օգոստոսի 30-ին ընդունեց անկախության հռչակագիր, որով վերականգնվում էր ինքնիշխան հանրապետության անկախությունը և այն հայտարարվում 1918-1920 թթ. Ադրբեջանական Հանրապետության իրավահաջորդ¹:

Լեռնային Ղարաբաղը, որը միայն 1921թ.² խորհրդային իշխանության օրոք, կուսակցական մարմնի անօրինական որոշմամբ մտցվեց Ադրբեջանական ԽՍՀ-ի կազմի մեջ՝ ինքնավար մարզի կարգավիճակով, այդ հռչակագրով իսկ Ադրբեջանի կազմից դուրս էր մնում: Ադրբեջանական հռչակագրի ընդունումից անմիջապես հետո, նույն օրը՝ օգոստոսի 30-ին, Լեռնային Ղարաբաղից ընտրված ԽՍՀՄ-ի ժողպատգամավորները հայտարարեցին, որ այդ հռչակագիրը չի տարածվում Լեռնային Ղարաբաղի ինքնավար Մարզի (ԼՂԻՄ) և Շահումյանի շրջանի վրա, որ վերջիններս ճանաչում են միայն Միության և Ռուսաստանի սահմանադրությունները, և դիմում էին ԽՍՀՄ-ի ու ՌԽՖՍՀ-ի նախագահներ Գորբաչովին ու Ելցինին՝

¹ St'u www.calend.ru

անհապաղ որոշում ընդունել ԼՂԻՄ-ին ու Շահումյանի շրջանին հատուկ կարգավիճակ տալու և, որպես Ֆեդերացիայի ինքնուրույն սուբյեկտ, ԽՍՀՄ-ի կազմի մեջ մտցնելու մասին²:

Զնայած դիմումի արդարացիությանը, փուլովո՞ղ կայսրության պայմաններում այն անիրականանալի էր: Պայքարը շարունակելու համար անհրաժեշտ էր նոր քաղաքական մոտեցում:

Սեպտեմբերի 2-ին Լեռնային Ղարաբաղի մարզային և Շահումյանի շրջանային խորհուրդները՝ մասնակցությամբ տեղական խորհուրդների պատգամավորների, համատեղ նիստում որոշում ընդունեցին ԼՂԻՄ-ի և Շահումյանի շրջանի վարչական տարածքներում Լեռնային Ղարաբաղի Հանրապետություն (ԼՀՀ) հռչակելու մասին: Հռչակագրով հայտարարվում էր, որ ԼՀՀ-ն օգտվում է ԽՍՀՄ-ի Սահմանադրությամբ ու օրենսդրությամբ հանրապետություններին տրված լիազորություններից և իրեն իրավունք է վերապահում ինքնուրույնաբար որոշելու իր պետական-իրավական կարգավիճակը³: Հռչակագիրը հիմնվում էր միջազգային իրավական նորմերի և ԽՍՀՄ-ի օրենսդրության վրա, որը ինքնավար կազմավորումների ժողովուրդներին և համահավաք ապրող ազգային խմբերին իրավունք էր տալիս ինքնուրույնաբար լուծելու իրենց պետական-իրավական կարգավիճակի հարցը՝ ԽՍՀՄ-ից միութենական հանրապետության դուրս գալու դեպքում:

ԼՀՀ-ի հռչակումը կարևոր քաղաքական քայլ էր արցախահայության ինքնորոշման իրավունքի իրագործման հարցում: Այն կոչված էր առավելագույնս համապատասխանեցնելու արցախյան ազատագրական շարժումը միջազգային և խորհրդային իրավունքի «խաղի կանոններին»: Եթե 1989թ.-ի դեկտեմբերի 1-ի որոշումը՝ Հայաստանի և Լեռնային Ղարաբաղի վերամիավորման մասին, որոշ քաղաքական ուժեր և գործիչներ դիտում էին որպես Հայաստանի կողմից ուղնձգություն Ադրբեջանի տարածքային ամբողջականության նկատմամբ և, հետևաբար, միջազգային ու խորհրդային իրավական նորմերի խախտում, ապա արցախահայության կողմից իր պատմական հայրենիքում ԼՀՀ-ի հռչակումը՝ ազգերի ինքնորոշման՝ համընդհանուր ճանաչում ստացած իրավունքի իրականացման պարզ և հստակ եղանակ էր: Ադրբեջանը դատապարտեց այդ քայլը և նորաստեղծ հանրապետության հետ խոսեց ուժի դիրքերից:

Ուժերի հարաբերակցությունը ղարաբաղյան հակամարտության գոտում զգալի չափով պայմանավորված էր Մոսկվայի դիրքորոշմամբ, որը խողովության ծախսովն էր հետո փոփոխություններ էր կրում: Ինչպես և մյուս ոլորտներում, այդ դիրքորոշման ձևավորման գործում ևս թուլանում էր կենտրոնական

² Տե՛ս Ազգ. 31.VIII.1991:

³ Տե՛ս Հայաստանի Հանրապետություն, 3.IX.1991:

իշխանությունների ազդեցությունը, որոնց քաղաքականությունն ուղղված էր կայսրության պահպանմանն ու հիմնականում ադրբեջանամետ էր, և աճում էր Ռուսաստանի նորընտիր ժողովրդավարական ղեկավարության ազդեցությունը՝ հունիսին համաժողովրդական քվեարկությամբ նախագահ ընտրված Բ. Ելցինի գլխավորությամբ:

Հակամարտության գոտում տեղակայված խորհրդային բանակի և ներքին զորքերի ստորաբաժանումները սեպտեմբերից հիմնականում չեզոք դիրք էին բռնել, իսկ միայնակ ազերիները ոչինչ չէին կարող ձեռնարկել: Նրանք խուսափում էին հայերի հետ ուղղակի առնակատումից, Ադրբեջանում ավելացել էր դասալիքների թիվը: Նույնիսկ Թուրքիայում էին մտահոգված այսպիսի նոր իրավիճակով⁴:

Նոր իրավիճակում, որ ստեղծվել էր խռովության տապալումից հետո ողջ խորհրդային Միությունում, սեպտեմբերի 21-ին Հայաստանում անցկացվեց հանրաքվե, որի ժամանակ քվեարկության իրավունք ունեցողների 94,39%-ը քվեարկեց հանրապետության անկախության օգտին, ինչի հիման վրա սեպտեմբերի 23-ին ՀՀ Գերագույն խորհուրդը հռչակեց Հայաստանի անկախությունը⁵: Թեև ԽՍՀՄ-ի կենտրոնական իշխանությունները, Ռուսաստանը, աշխարհի պետությունները այդ փուլում չճանաչեցին Հայաստանի անկախությունը, այնուամենայնիվ դա անհրաժեշտ քաղաքական քայլ էր փլուզվող կայսրության "փլատակների" տակ չմնալու, հայ ժողովրդի դարավոր իղծերի իրականացման և ազգային հիմնախնդիրների լուծման առումով:

Խռովությունից հետո նվազել էր Կենտրոնի ազդեցությունը ԽՍՀՄ-ում տեղի ունեցող գործընթացների վրա ընդհանրապես և խորհրդային տարածքում ծագած ազգամիջյան հակամարտությունների կարգավորման գործում մասնավորապես, այդ թվում նաև "Լեռնային Ղարաբաղում և նրա շուրջը": Հեղինակագրված և կաթվածահար եղած կենտրոնական իշխանություններին պետք է փոխարինեին նոր միջնորդներ: Ղարաբաղյան կարգավորման գործում այդպիսի առաքելությամբ փորձեցին հանդես գալ քայքայվող կայսրության ազդեցիկ հանրապետությունները՝ Ռուսաստանը և Ղազախստանը:

Այդ հանրապետությունների նախագահներ Ելցինն ու Նազարբաևը սեպտեմբերի 20-22-ը այցելեցին տարածաշրջան, հանդիպեցին Հայաստանի, Ադրբեջանի և Լեռնային Ղարաբաղի ղեկավարության հետ: Բանակցություններն ավարտվեցին ժելեզնուլողսկում սեպտեմբերի 23-ին ստորագրված համատեղ կոմյունիկեով, որի տակ Ռուսաստանի, Ղազախստանի, Ադրբեջանի և Հայաստանի ղեկավարների ստորագրությունների կողքին բացակայում էր Արցախի ներկայացուցչի ստորագրությունը, ինչն արդեն կասկածի տակ էր

⁴ Տե՛ս Turkish Daily News, 6.IX.1991 և Մարմարա, 26.IX.1991:

⁵ Տե՛ս Հայաստանի Հանրապետություն, 24.IX.1991:

դնում փաստաթղթի կետերի իրականացումը: Կոմյունիկեն նախատեսում էր հետևյալ միջոցառումները. հրադարարի հաստատում, Լեոնային Ղարաբաղի վերաբերյալ ոչ սահմանադրական ակտերի չեղյալ հայտարարում, իշխանության օրինական մարմինների լիազորությունների ճանաչում, կոմֆլիկտի գոտուց բոլոր սպառնազեն կազմավորումների դուրս բերում՝ բացառությամբ ԽՍՀՄ-ի ներքին գործերի նախարարության ներքին գործերի և պաշտպանության նախարարության զորամասերի⁶:

Սակայն երկրում և տարածաշրջանում ստեղծված քաղաքական իրավիճակում, ուժերի գոյություն ունեցող հարաբերակցության պայմաններում այդ միջոցառումները հնարավոր չէր իրականացնել: Ելցինի այս քայլը առավելապես վկայում էր, որ ղարաբաղյան կարգավորման հարցում ևս Կենտրոնին փոխարինելու է գալիս Ռուսաստանը, և հաստատում այդ համընթացության՝ տարածաշրջանում ունեցած շահերը:

Իրենց քաղաքականությունը արդարացնելու նպատակով Հայաստանի Խորհրդարանի նախագահ Լ. Տեր-Պետրոսյանը և նրա համախոհները փորձում էին որոշ դրական միտումներ գտնել ժելեզնովոդսկի կոմյունիկեում: Իրականում այն հայկական կողմին ոչինչ չէր տալիս, փաստաթղթում չէր խոսվում ազգերի ինքնորոշման իրավունքի մասին, որի վրա հիմնված էր արցախյան ազատագրական շարժումը: Սռաջընթացն այն էր, որ խնդիրը դուրս էր գալիս կայսերական կենտրոնի իրավասությունից և դառնում բազմակողմ բանակցությունների առարկա:

Հոկտեմբերի կեսերին Արցախ ժամանեց Ռուսաստանի և Ղազախստանի դիտորդների աշխատանքային խումբը, որն ստեղծվել էր ժելեզնովոդսկում ձեռք բերված պայմանավորվածությունների հիման վրա: Խմբի անդամների մասնակցությամբ սկսված հայ-ադրբեջանական բանակցություններն անարդյունավետ էին, քանի որ Ադրբեջանը ղարաբաղյան խնդիրը համարում էր իր ներքին գործը և հրաժարվում քննարկել այն: Դիտորդների կարծիքով, ադրբեջանական կողմն արհեստականորեն էր սրում իրավիճակը՝ կոմյունիկեով նախատեսված միջոցառումները ձախողելու համար: Վիճելի էր արցախյան պատվիրակության մասնակցության հարցը. դրա անհրաժեշտությունը նշված էր Ելցինի կողմից ռուսաստանցի դիտորդներին տրված լիազորություններում, իսկ Ղազախստանի դիտորդներին մոտ այդ կետը բացակայում էր⁷:

Սակայն առանց Արցախի ներկայացուցիչների մասնակցության անհնար էր հասնել խնդրի կարգավորմանը, քանի որ վերջինիս ելությունը արցախահայության ինքնորոշումն էր, այլ ոչ թե Հայաստանի և Ադրբեջանի միջև տարածքային վեճը, ինչպես փորձում էր ներկայացնել ադրբեջանական

⁶ Տե՛ս Ազգ., 25.IX.1991:

⁷ Տե՛ս Երկիր., 18 և 22.X.1991:

կողմը: Ադրբեջանի իշխանությունները չէին ցանկանում իրականությանը բաց աչքերով նայել, ճիշտ չէին գնահատում իրադրությունը, խուսափում էին լուրջ քննարկումներից, ինչն ավելի էր բարդացնում իրավիճակը:

Երկրում տիրող համընդհանուր ճգնաժամի պայմաններում նոր տիպի՝ իրավահավասար, փոխշահավետ հարաբերություններ էին հաստատվում Հայաստանի և Ռուսաստանի վարչա-տարածքային միավորների, կազմակերպությունների, ձեռնարկությունների միջև տնտեսության և մշակույթի ոլորտներում⁹: Չնայած միջոցների սղությանը, շարունակվում էր Ռուսաստանի օգնությունը Հայաստանի աղետի գոտու վերականգնման գործում⁹:

Հոկտեմբերի 21-ին աշխատանքներն սկսեց հԱՅՍՍՀ-ի նոր ժամանակավոր խորհրդարանը: Տասներկու հանրապետություններից (Մերձբալթյան հանրապետությունների անկախությունն արդեն ճանաչվել էր) ներկա էին յոթի ներկայացուցիչները, ինչը նշանակում էր, որ մնացած հինգ հանրապետությունները՝ այդ թվում նաև Հայաստանը, չեն մասնակցելու քաղաքական նոր միության ստեղծմանը: Խորհրդային Միությունում առկա տնտեսական անկումը, ազգամիջյան հակամարտությունները, տարբեր ժողովուրդների մոտ նկատվող ազգային ինքնազիտակցության աճը անհեռանկարային էին դարձնում միասնական նոր պետության ստեղծման փորձերը:

Հայաստանի նախագահ Լ. Տեր-Պետրոսյանը չմասնակցեց նոյեմբերի 14-ին Նովո-Օգարյովոյում կայացած հԱՅՍՍՀ-ի Պետխորհրդի նիստին, որտեղ Գորբաչովը և միութենական յոթ հանրապետությունների ղեկավարները ձեռք բերեցին պայմանավորվածություն, ըստ որի ստեղծվելու էր նոր պետություն՝ Ինքնիշխան Պետությունների Միություն, որը հանդես էր գալու որպես միջազգային իրավունքի սուբյեկտ և փոխարինելու էր Խորհրդային Միությանը¹⁰: Ռուսաստանի նախագահ Ելցինը համոզված էր, որ նոր միությունը կկայանա¹¹: Սակայն տասներկու հանրապետություններից հինգի՝ հատկապես Ուկրաինայի, հրաժարումը անդամակցելու Ինքնիշխան Պետությունների Միությանը հարցականի տակ էր դնում վերջինիս կայացումը:

Խորհրդային Միության պահպանողական ուժերը՝ բոլոր միջոցներն օգտագործելով, ջանում էին պարտադրել հանրապետություններին միութենական պետության մոդելը՝ ուժեղ կենտրոնացված իշխանության հատկանիշներով: Այդպիսի ուղղվածություն ունեին 1991թ. աշնանը ստորագրված հԱՅՍՍՀ-ի նախագահի հրամանագրերը, Պետխորհրդի որոշումները, միութենական դաշնագրի "վերամշակված" տարբերակը, որի անորոշ ձևակերպումները կարող

⁹ Տե՛ս Հայաստանի Հանրապետություն, 11 և 14.IX.1991, 18.X.1991:

¹⁰ Տե՛ս Հայաստան, 17.X.1991, 5.XI.1991:

¹¹ Տե՛ս Известия, 16.XI.1991.

¹² Տե՛ս Советская Россия, 16.XI.1991.

էին իրավական հիմք ծառայել՝ միութենական իշխանությունների կողմից արտակարգ միջոցառումների կամայական իրականացման համար:

Պահպանողականների նման գործելակերպը ավելի էր ուժեղացնում հանրապետությունների ձգտումը ինքնիշխանության և անկախության: Ռուսաստանի ղեկավարությունը, որ մասնակցում էր նույն-օգարյուկյան գործընթացին, ղեկտեմբերի սկզբին վերանայեց իր դիրքորոշումը: Դիրքորոշման փոփոխության վրա ազդեց նաև ղեկտեմբերի 1-ին Ուկրաինայում անցկացված անկախության հանրաքվեն, որի արդյունքների հիման վրա այդ հանրապետությունը հռչակեց իր անկախությունը, որն էլ ճանաչվեց Ռուսաստանի կողմից¹²: Այս իրադարձությունները վերջնականապես ծախսողեցին միութենական պետության պահպանմանն ուղղված փորձերը:

Ուկրաինական հանրաքվեից մեկ շաբաթ անց՝ ղեկտամբերի 8-ին Մինսկի մոտակայքում գտնվող Բելովեժսկ բնակավայրում Բելառուսի, Ռուսաստանի Դաշնության (ՌԴ) և Ուկրաինայի ղեկավարները՝ որպես ԽՍՀ Միության հիմնադիր պետությունների ղեկավարներ, արձանագրեցին, որ ԽՍՀՄ-ը որպես միջազգային իրավունքի սուբյեկտ ու աշխարհաքաղաքական իրողություն դադարեցնում է իր գոյությունը, և ստորագրեցին համաձայնագիր Անկախ Պետությունների Համագործակցություն (ՄԴՀ) ստեղծելու մասին: Ըստ այդ համաձայնագրի, ստորագրող կողմերն իրենց հարաբերությունները զարգացնելու էին «փոխադարձաբար ճանաչելու և միմյանց ինքնիշխանությունը հարգելու հիման վրա, իրավահավասարության և ներքին գործերին չմիջամտելու սկզբունքների վրա»¹³:

Ռուսաստանի ղեկավարությունը գտնում էր, որ ՄԴՀ-ի ստեղծումը՝ Նովո-Օգարյովոյի փակուղուց դուրս գալու միակ ելքն էր և հնարավորություն էր տալիս խուսափելու հարավսլավական տարբերակից՝ քայքայվող միութենական պետության սուբյեկտների միջև լայնածավալ պատերազմից¹⁴:

Զնայած Բելովեժսկում ձեռք բերված համաձայնությունների օրինականության վերաբերյալ գոյություն ունեցող հակասական զնահատականներին, խորհրդային կայսրության քայքայումը դրանից շատ վաղուց էր սկսվել, և ճգնաժամային երևույթները խորհրդային տնտեսության մեջ, երկրի քաղաքական համակարգում, ազգամիջյան հարաբերությունների ոլորտում անխուսափելիորեն տանում էին դեպի Խորհրդային Միության փլուզում:

Այդ ղեզինտեգրացիոն գործընթացներին զուգընթաց զարգանում էին երկկողմանի անմիջական հարաբերությունները նախկին խորհրդային հանրապետությունների միջև: Դեկտեմբերի սկզբին Հայաստանը առևտրատնտեսա-

¹² Sb'u Известия, 3 և 5.XII.1991:

¹³ Дипломатический вестник, 1992, no. 1, c.3-6.

¹⁴ Sb'u Ազգ, 11.XII.1991:

կան համագործակցության վերաբերյալ պայմանագրեր ստորագրեց Ռուսաստանի, Ուկրաինայի, Լատվիայի հետ¹⁵։ Ռուսաստանի հետ կնքված համաձայնագիրը՝ անկախության հռչակումից հետո առաջին խոշոր տնտեսական համաձայնագիրն էր, որը ԶԴ-ը կնքում էր մեկ այլ պետության հետ։ Այն, ինչպես և վերոնշյալ մյուս համաձայնագրերը, թույլ էր տալիս պահպանել ստեղծված տնտեսական կապերը և դրա հետ մեկտեղ երկու հանրապետություններին մոտեցնում էր փոխշահավետ առևտրի աշխարհում ընդունված կանոններին։ Փաստաթղթում հաշվի էին առնվում գոյություն ունեցող իրողությունները և նախատեսվում էր կողմերի միջև կատարվող առևտրում առկա անհամամասնությունների աստիճանական շտկում։ Այդ ժամանակահատվածում նաև մշակվում էր Զայաստանի և Ռուսաստանի միջև միջպետական հարաբերությունների հիմունքների մասին պայմանագիրը։

Խորհրդային Միությունն էլ, ինչպես և մյուս կայսրությունները, զերծ չէր ազգամիջյան հակամարտություններից, որոնք գործաշուկյան “վերակառուցման” քաղաքականությունը չկարողացավ կարգավորել, ինչը ԽՍՀՄ-ի փլուզման պատճառներից մեկը հանդիսացավ։ Խորհրդային Միության լուծարումը ազատեց այդ հակամարտությունները կայսերական կենտրոնի ազդեցությունից՝ աստիճանաբար դրանք դարձնելով միջազգային քաղաքականության առարկա, ինչը նոր միջնորդությունների և կարգավորմանն ուղղված մոտեցումների հեռանկար էր բացում։

Սակայն այդ օրերին Կենտրոնի աջակցությունից զրկված ադրբեջանական իշխանությունների համար անընդունելի էր որևէ չեզոք միջնորդություն, նրանք դարաբաղյան խնդիրը փորձում էին լուծել ռազմական ճանապարհով։ Ադրբեջանական կողմը առիթը բաց չէր թողնում իրադրությունը սրելու և Ռուսաստանի ու Ղազախստանի միջնորդությամբ ընթացող բանակցությունները ծախսողելու համար։ Դա նաև Մութալիբովի հեղինակազրկված վարչակազմին՝ ժողովրդի ուշադրությունը ներքին խնդիրներից շեղելու և իշխանությունն իր ձեռքում պահելու հնարավորություն էր տալիս։

Զնայած ստեղծված լարված իրավիճակին, դեկտեմբերի 10-ին Լեռնային Ղարաբաղում անցկացվեց հանրաքվե, որի արդյունքների համաձայն նրա բնակչության ճնշող մեծամասնությունն արտահայտվեց ավելի վաղ հռչակված ԼՂԴ-ի լիակատար անկախության օգտին¹⁶։ Նախկին խորհրդային հանրապետություններից ու եվրոպայից ժամանած դիտորդները, որոնց հիմնական մասը Ռուսաստանից էր, վկայում էին հանրաքվեի՝ միջազգային իրավական և ժողովրդավարական չափանիշներին համապատասխանելու փաստը։ Ռուսաստանի անկախ դիտորդները կոչ էին անում բոլոր երկրների

¹⁵ Տե՛ս Զայաստանի Զանրապետություն, 6 և 10.XII.1991։

¹⁶ Տե՛ս Զայաստանի Զանրապետություն, 12.XII.1991։

խորհրդարաններին, համաշխարհային հանրությանը՝ գորավիզ լինել դարաբաղցիներին, իսկ ՌԴ-ի նախագահին ուղղված դիմումի մեջ նշում էին, որ Ռուսաստանը պետք է հավաստի 1813թ.-ի Գյուլիստանի պայմանագիրը կատարելու իր պատրաստակամությունը և լինի Ղարաբաղի ժողովրդի խաղաղ կյանքի երաշխավորը¹⁷։

Թեև աշխարհի պետությունները չճանաչեցին հանրաքվեի արդյունքները և նորաստեղծ հանրապետությունը, ժողովրդավարական չափանիշներով անցկացված հանրաքվեն կարևոր քաղաքական քայլ էր ԼՂՀ կայացման գործում։ Ինչ վերաբերում է Ռուսաստանին, նրա քաղաքական վերնախավը չէր կարող բացահայտորեն սատարել ԼՂ-ի և նախկին խորհրդային մյուս ինքնավարությունների անկախացման գործընթացին, քանի որ Ռուսաստանն իր կազմում ուներ բազմաթիվ ինքնավար կազմավորումներ։

Իսկ նախկին միութենական հանրապետությունների անկախությունը ՌԴ-ի ղեկավարությունը ղեկտեմբերի կեսերին ճանաչեց։ Դա էական նշանակություն ունեցավ այդ հանրապետությունների միջազգային ճանաչման գործում։ Հայաստանի անկախությունը ճանաչելու մասին Ռուսաստանի նախագահ Ելցինին ղեկտեմբերի 17-ի հայտարարության մեջ նշվում էր Ռուսաստանի և Հայաստանի միջև միջպետական նոր հարաբերություններ հաստատելու և զարգացնելու անհրաժեշտությունը՝ պահպանելով ու ամրապնդելով բարեկամության, բարիդրացիության, փոխադարձ հարգանքի բազմադարյան ավանդույթները¹⁸։

Հաջորդ օրը՝ դեկտեմբերի 18-ին, Հայաստանի նախագահ Լ. Տեր-Պետրոսյանը հանդես եկավ հայտարարությամբ՝ Ռուսաստանի անկախությունը ճանաչելու մասին, և այդ կապակցությամբ տրված հարցազրույցում նշեց, որ Հայաստանի համար Ռուսաստանի հետ հարաբերություններն ունեցել են և հետագայում էլ կունենան առաջնային նշանակություն¹⁹։ Թեև Լ. Տեր-Պետրոսյանի վարած քաղաքականությունը հիմնականում արևմտամետ էր և ուներ հակառուսական դրսևորումներ, երկու հանրապետությունների կողմից անկախության փոխադարձ ճանաչումը կարևոր իրադարձություն էր երկկողմանի հարաբերությունների բազմադարյա պատմության մեջ և դրանք զարգացնելու նոր հնարավորություն էր ընձեռում։

Ռուսաստանի կողմից Հայաստանի և նախկին միութենական մյուս հանրապետությունների անկախության ճանաչումը որոշակի երաշխիք էր, որ կազմավորվող ՄԴՀ-ն նոր միութենական պետություն չէ։ Թեև ակնհայտ էր, որ ՄԴՀ-ում Ռուսաստանը առաջատար դեր է խաղալու, սակայն Ռուսաստանի

¹⁷ Տե՛ս նույն տեղում, 14.XII.1991։

¹⁸ Տե՛ս նույն տեղում, 19.XII.1991։

¹⁹ Տե՛ս Հայաստանի Հանրապետություն, 19.XII.1991։

ղեկավարության հրաժարումը նոր կայսրություն ստեղծելու ծրագրերից նպաստեց նրան, որ Համագործակցության երեք հիմնադիր պետություններից ղեկոնմաների 21-ին Ալմա-Աթայում ստորագրված հռչակագրով՝ որպես ԱՊՀ-ի համահիմնադիրներ, միացան նախկին խորհրդային միութենական հանրապետություններից ևս ութը, այդ թվում նաև Հայաստանը²⁰։ Ալմա-Աթայի հռչակագիրը վերջնականապես արձանագրեց ԽՍՀՄ-ի գոյության դադարեցումը։ Խորհրդային Միության առաջին և վերջին նախագահ Մ. Գորբաչովը ղեկոնմաների 25-ին հայտարարեց իր հրաժարականի մասին։

ԽՍՀՄ-ի լուծարումից հետո ստեղծված աշխարհաքաղաքական, տնտեսական նոր պայմաններում Ռուսաստանի հետ հարաբերությունների պահպանումն ու զարգացումը և ԱՊՀ-ի կազմում ընդգրկվելը որոշակի երաշխիք էին հանդիսանում նորանկախ Հայաստանի Հանրապետության անվտանգության ապահովման, տնտեսական կառույցների գործունեության շարունակման համար՝ առնվազն մինչև ազգային անվտանգության համակարգի, զինված ուժերի, տնտեսական նոր կապերի ստեղծումը։

ԽՍՀՄ-ի փլուզումը նոր իրավիճակ ստեղծեց ողջ աշխարհում ընդհանրապես և հարավկովկասյան տարածաշրջանում մասնավորապես։ Հետխորհրդային տարածքում անկախ պետությունների առաջացումը նոր փուլ սկզբնավորեց նախկին խորհրդային Միության կազմի մեջ մտնող ժողովուրդների հարաբերություններում, այդ թվում հայ-ռուսական հարաբերություններում։ Անկախ Հայաստանի և Ռուսաստանի համար լայն հնարավորություններ էին բացվում իրավահավասար, փոխշահավետ հարաբերություններ ու բազմաբնույթ կապեր հաստատելու և համագործակցություն զարգացնելու համար՝ հենվելով բազմադարյան փորձի և ավանդույթների վրա։

Նախկին խորհրդային Միության փլատակների վրա նոր կառույցի՝ ԱՊՀ-ի ստեղծումը նախ և առաջ կայսրության սուրյեկտների միջև խոշոր արյունալի բախումներից խուսափելու և նրանց բաժանումը քաղաքակիրթ ձևով իրականացնելու միջոց էր։ ԽՍՀՄ-ից ժառանգելով բազմաթիվ չլուծված և հակասություններով լի խնդիրներ, ԱՊՀ-ը նաև դրանց լուծմանը օժանդակելու դժվարին առաքելություն ուներ, որի արդյունավետ կատարմամբ նաև պետք է ապացուցեր իր կենսունակությունը։

²⁰ См. Дипломатический вестник, 1992, №1, с. 6-7.